


Kubanoj de ene kaj ekster la insulo sendis mesa?on al Biden por ?esigi la usonan blokadon

Image not found or type unknown



Kubanoj je la alia flanko de la Florida Markolo postulas ?eson de la usona blokado

Havano, apr 12 (RHK) La familioj kubaj je amba? flankoj de la Florida markolo estas hodia? la plej dama?itaj pro la punreguloj unuflankaj, kiujn Usono trudas al la kariba lando, denunciis pluraj vo?oj en Tvitero.

De anta? unu tago, plurcentoj da mesa?oj senditaj de kubanoj de ene kaj ekster la insulo, plus personoj solidaraj, atingis la socian reton de la usona prezidento Joe Biden kaj ties edzinon, Jill Biden, per kiuj oni alvokis haltigi la ekonomian sie?on kontra? la insulo.

Same, ili instigis la usonan ŝtatestron elimini la decidojn adoptitajn de la administracio de Donald Trump, kiuj malfaciligas la familiajn rilatojn, interalie, pri aferoj kiel reunuiĝa programo, la mensendoj kaj granda parto de la vojaĵoj de flugkompanioj.

Same okazas pri la fermo en 2018 de la oficejo de servoj al la civitaneco kaj migrado, kio devigas la kubanojn translokiĝi al triaj landoj malebligante preskaŭ entute la demarŝojn pri la petoj por familia reunuiĝo.

Al tio aliĝas la nuligo de ĉiuj flugoj de usonaj kompanioj al Kubo, escepte al Havano, ekde la pasinta 10-a de decembro.

Tiu regulaĵo estas komplementita unu monaton poste per la elimino de la ĉartaj flugoj al la cetero de la lando, kaj la limigo de tiuj, kiuj povis surteriĝi en Havano.

Krom aliaj punreguloj, forta bato venis per la inkluzivigo de la kuba kompanio Fincimex en la liston de entreprenoj kun kiuj la usonanoj ne povas negoci, per kio ili eliminis la partneron de Western Union en la insulo.

Tiamaniere, ili fermis la leĝan kanalon por mensendaĵoj al Kubo ekde novembro 2020, decido kiu neniel prikonsideris la krizan situacion kreitan de la pandemio.

Se prave ĉiu kubano havas sian porcion en la damaĝoj kalkulitaj kiel pli ol 5 mil milionoj da dolaroj, kiujn la lokaj aŭtoritatoj raportis nur en la pasinta jaro kiel sekvoj negativaj de la blokado de Vaŝingtono, la aldonaj regulaĵoj metas plian pezon al la kubaj familioj, mesaĝo, kiun ĉi-dimanĉe oni memorigis al la nuna usona ŝtatestro.

fonto: PL

<https://www.radiohc.cu/index.php/eo/noticias/nacionales/253739-kubanoj-de-ene-kaj-ekster-la-insulo-sendis-mesagon-al-biden-por-cesigi-la-usonan-blokadon>



Radio Habana Cuba